



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

- I. Qui in duabus ecclesiis praebendam habet, ab ea tantum poterit communia exigere, cui in propria voluerit persona deseruire.

urn:nbn:de:hbz:466:1-15588

ANNO
 CHRISTI
 1179.

vigiles existere, dignitati vestræ mandamus, quod si contigerit eundem episcopum ante solutionem debitorum, quæ pro vtilitate & necessitate ecclesiæ sibi commissæ contraxerit, ex hac luce migrare, de rebus qui spectant ad mensam eius, donec alius loco eius substituatur, eadem debita soluere studeatis. Quo substituto, episcopum ad eorumdem debitorum solutionem omnino adducetis, & sicut filius debita patris, ita prælatus sui prædecessoris pro necessitate ecclesiæ contracta tenetur persolvere.

VNI PLVRA BENEFICIA PARS
XXX.

ECCLESIASTICA NON COMMITTENDA,
 nec vnum inter plures diuidendum: & de in beneficio
 sibi assignato non residentibus.

CAP. I.

Alexander III. Eboracensi archiepiscopo.

RELATIVM est auribus nostris, quod Nicolaus archidiaconus de Bedis, canonicus * Beuianensis ecclesiæ, ita integre & plenarie canonicam iam dictæ ecclesiæ requirit præbendam, sicut & illi qui die noctuque satagunt eidem ecclesiæ deseruire. Super hoc etiam literas nostras se habere proponit. Quia vero hoc indignum & absurdum est, nisi de consuetudine præscriptæ ecclesiæ, hoc possit inquirere: fraternitati tuæ, &c. quatenus eundem archidiaconum diligenter commoneas, quod occasione literarum nostrarum communia ecclesiæ prælibatæ nulla ratione contra consuetudinem & institutionem ipsius ecclesiæ requirere audeat, nisi eidem ecclesiæ in propria persona assidue vel per medietatem vnus anni voluerit deseruire.

CAP. II. *Idem Londoniensi episcopo.*

Cum teneamur ex debito suscepti regiminis prouisioni clericorum intendere tibi & aliis ecclesiasticis prælatis, pro eis scripta nostra dirigimus, & interdum etiam super illorum prouisione, qui aliquod beneficium sufficiens habere noscuntur, dum etiam aliquando ignoramus eos habere aliquod beneficium, pro quibus tibi & aliis ecclesiarum prælatis scribimus, si preces & mandatum nostrum

Concil. Tom. 27.

Oooo ij